



## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche  
Haus-Angelegenheiten

**Riedel, Adolph Friedrich**

**Berlin, 1859**

192. Papst Nicolaus macht dem Kurfürsten, seinem Bruder Friedrich, den  
beiden Gemahlinnen dieser Fürsten und der Nonne Margaretha von  
Schöneberg gewisse Zugeständnisse hinsichtlich der ...

---

---

**Nutzungsbedingungen**

[urn:nbn:de:hbz:466:1-56597](https://nbn-resolving.org/urn:nbn:de:hbz:466:1-56597)

lectus filius nobilis uir Fredericus Senior, Marchio Brandeburgensis, Sacri Romani Imperij Elector, cui apud Sedem apostolicam constituto, ad eius eximie nobilitatis ac specialia fidei et deuotionis merita, quibus apud Sedem ipsam clarere dinoscitur, pre ceteris condignos prospectus habentes, pridie rosam, quam nouissime dicta die gerebamus, in signum specialis beniuolentie gratuito munere contulimus, illam, ut asserit, ad laudem diuini nominis Capelle Castris Colenn prope Sprewam Brandeburgensis diocesis per eum fundate et dotate offerre et in ea reponere intendat, ut ibidem pro incitamento deuotionis fidelium perpetuo conseruetur; Nos cupientes ut eadem Capella a cristi fidelibus congrua deuotione frequentetur, ipsique fideles eo libentius confluant ad eandem, quo ibidem dono celestis gratie conspexerint uberius se refectos, de omnipotentis Dei misericordia et beatorum apostolorum eius Petri et Pauli auctoritate confisi, omnibus uere penitentibus et confessis, qui Dominica predicta et in dedicationis ac patronorum dicte Capelle festiuitatibus eandem Capellam deuote uisitauerint, annuatim singulis Dominicis et festiuitatum huiusmodi diebus, quibus ipsam Capellam uisitauerint, ut prefertur, Septem annos et totidem quadragenas de iniunctis eis penitentiis misericorditer in Domino relaxamus. Volumus autem, quod si alias dictam Capellam uisitantibus aut ad conseruationem huiusmodi manus adiutrices porrigentibus, seu alias inibi piis elemosinis erogantibus aliqua indulgentia perpetuo uel ad certum tempus nondum elapsum duratura per nos concessa fuerit, presentes littere nullius sint roboris uel momenti. Datum Rome apud Sanctum Petrum, anno Incarnationis Dominice millesimo quadringentesimo quinquagesimo secundo, III. Idus martij, Pontificatus nostri anno Sexto.

Aus den Regesten des Vaticanischen Geheimen Archives.

192. Papp Nicolaus macht dem Kurfürsten, seinem Bruder Friedrich, den beiden Gemahlinnen dieser Fürsten und der Nonne Margaretha von Schöneberg gewisse Zugeständnisse hinsichtlich der Abolutionsbefugniß ihres Beichtvaters und ihrer Fasten, am 27. März 1453.

Nicolaus episcopus, seruus seruorum dei, Dilectis filiis nobilibus uiris Friderico seniori et Friderico Juniori, Germanis, marchionibus Brandenburgensibus, Ac dilectis in cristo filiabus nobilibus mulieribus Catherine Friderici senioris et Agneti Friderici junioris eorundem conthoralibus, nec non Margarete de Schonenberg, moniali monasterii in Creuesse, ordinis sancti benedicti Verdensis diocesis, Salutem et apostolicam benedictionem. Sincere deuotionis affectus, quem ad nos et Romanam geritis ecclesiam non indigne meretur, ut petitionibus uestris, illis prefertim, per quas animarum uestrarum salutem et conscientie pacem consequi valeatis, quantum cum deo possumus, fauorabiliter annuamus. Hinc est, quod nos uestris

deuotis supplicacionibus inclinati, ut confessor ydoneus secularis uel regularis, quem vos et tu margareta cum superioris tui consensu elegeritis, confessionibus diligenter auditis, pro commissis eciam si talia fuerint, propter que sedes apostolica merito sit consulenda, semel duntaxat, in aliis uero quoties fuerit oportunitas, debitam uobis absolutionem impendat et iniungat penitentiam salutarem, nec non omnium peccatorum uestrorum, de quibus corde contriti et ore confessi fueritis, semel tantum in mortis articulo plenam remissionem uobis in sinceritate fidei, unitate sancte Romane ecclesie ac obedientia et deuotione nostra uel successorum nostrorum Romanorum pontificum canonicis intrantium persistentibus auctoritate apostolica concedere valeat, deuotioni uestre tenore presentium indulgemus; Sic tamen, quod idem Confessor de hiis, de quibus fuerit alteri satisfactio impendenda, eam uobis per uos si superuixeritis uel heredes uestros, si tunc forte transieritis, faciendam iniungat, quam uos uel illi facere teneamini, ut presertim. Et ne quod absit propter huiusmodi gratiam reddantur procliuiores ad illicita in posterum committenda, uolumus, Quod si ex confidentia remissionis huiusmodi aliqua forte committeretis, quoad illa predicta remissio uobis nullatenus suffragetur, Et insuper quod per unum annum a tempore, quo presens nostra concessio ad uestram noticiam peruenit computandum, singulis sextis feriis impedimento legitimo cessante ieiunetis. Quod si predictis feriis ex precepto ecclesie regulari, obseruancia, iniuncta penitentia, voto uel alias ieiunare teneamini, una alia die singularum septimanarum eiusdem anni, qua ad Jejunandum, ut premititur, non sitis astricti, ieiunetis. Et si in dicto Anno uel aliqua eius parte essetis legitime impediti, Anno sequenti uel alias, quam primum potueritis, modo simili supplere huiusmodi Jejunium teneamini. Porro si forsan alias prelibatum jejunium in toto uel in parte quocumque adimplere commode nequueritis, eo casu Confessor ydoneus, quem ad hoc quilibet uestrum duxerit eligendum, ieiunium ipsum in alia pietatis opera, prout animarum uestRARUM saluti expedire uiderit, commutare valeat, que uos pari modo debeatis adimplere. Alioquin huiusmodi remissio in mortis articulo nullius sit roboris uel momenti. Nulli ergo omnino hominum liceat hanc paginam nostre commissionis et voluntatis infringere uel ei ausu temerario contraire. Si quis autem hec attemptare presumpserit, indignationem omnipotentis dei ac beatorum Petri et Pauli apostolorum eius se nouerit incursum. Datum Rome apud sanctum Petrum, Anno Incarnationis dominice millesimo quodringentesimo quinquagesimo tercio, Sexto kalend. Aprilis, Pontificatus nostri anno septimo.